

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2315782679 որոշումն անփոփոխ թողնելու, իսկ թիվ 2315782802 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<10>> 03 2023թ. 7-13 2155

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հարութ Մովսիսյանի ՄԴ/15850-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Հարութ Մովսիսյանը (ծանուցման հասցե՝ Արարատի մարզ, գյուղ Հովտաշատ, Զինավան 5, ծանուցման էլ.հասցե՝ Harut43755@mail.ru) դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2315782679 և 2315782802 որոշումները՝ նշելով, որ դրանք կայացվել են նույն իրավախախտման համար:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական տույժ նշանակելու մասին վերը նշված որոշումների տեսանյութերի ուսումնասիրությունից պարզվում է, որ <<HUMMER>> մակնիշի 08MM016 հաշվառման համարանիշի տրանսպորտային միջոցը 29.12.2022թ. ժամը 18:31-ին Երևան քաղաքի Ծիծեռնակաբերդի խճուղի 3 (Դալմա Գարդեն Մոլի) հատվածում, մասնավորապես իրավախախտումը կատարած վայրում, երթևեկում է մայթով:

Վերը նշված տրանսպորտային միջոցը նույն օրը ժամը 19:06-ին նույն վայրում երթևեկում է մայթով:


Վարչական վարույթի ընթացքում հիմնավորվել է, որ վարչական տույժ նշանակելու մասին թիվ 2315782802 որոշումը ենթակա է բեկանման, քանի որ դիմումատուն այլ հնարավորություն չի ունեցել տվյալ վայրից տրանսպորտային միջոցը դուրս բերելու:

Այսպիսով վարչական տույժ նշանակելու մասին թիվ 2315782679 որոշումը ենթակա է կատարման, իսկ թիվ 2315782802 որոշումը՝ բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.01.2023թ. թիվ 2315782679 որոշումը թողնել անփոփոխ, իսկ վարչական բողոքը, դրան վերաբերող մասով՝ առանց բավարարման.
2. Ճանապարհային ոստիկանության վարչական տույժ նշանակելու մասին 16.01.2023թ. թիվ 2315782802 որոշումը բեկանել և վարչական իրավախախտման վերաբերյալ գործի վարույթը կարճել.
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
4. Սույն որոշման օրինակն ուղարկել Հարութ Մովսիսյանին:


Ե. Կարապետյան